

Stjórn málaályktun Varðar fulltrúaráðs sjálfstæðisfélaganna í Reykjavík

Reykjavík - borg tækifæranna

Reykjavíkurborg hefur alla burði til að verða borg tækifæranna. Með því að stytta boðleiðir, lækka álögur á fólk og fyrirtæki, opna fyrir uppbyggingu á hagstæðu byggingarlandi og greiða niður skuldir með sölu opinberra fyrirtækja á samkeppnismarkaði mun borgin snúa vörn í sókn. Borgin þarf að hverfa frá þrengingum, skorti og sækja fram svo einstaklingar á öllum æviskeiðum fái notið sín. Þá þarf borgin að sækja fram í orkuskiptum og vera leiðandi í innleiðingu nýrra og byltingarkenndra lausna í samgöngumálum. Sjálfstæðisflokkurinn í Reykjavík leggur áherslu á skýra framtíðarsýn í þróun borgarmála á næsta kjörtímabili.

Umhverfis-, skipulags- og samgöngumál

Sjálfstæðisflokkurinn leggur áherslu á að hraða orkuskiptum í samgöngum á sjó og landi og að borgin gangi þar á undan með góðu fordæmi og styðji við tækniþróun og viðleitni einkaaðila. Mikilvægt er að standa vörð um græn og opin svæði í borginni og hlúa að fjölsóttum útivistarsvæðum borgarbúa. Stórbæta þarf þrif innan borgarinnar, einkum á vegum og stígum. Markvisst þarf að vinna gegn umferðartöfum.

Styðja þarf við atvinnustarfsemi í Reykjavík og snúa við flóttu fyrirtækja úr Reykjavík með lóðaframboði. Þróa þarf ný byggingarsvæði og huga vel að samgöngumálum strax í upphafi skipulags í samráði við viðbragðsaðila. Leggja ber áherslu á nýtingu byggingarlands austan Elliðaána. Við gerð skipulags þarf að horfa til margra áratuga og á borgarsvæðið í heild.

Stjórnkerfi borgarinnar þarf að einfalda og endurskoða Aðalskipulag borgarinnar.

Þéttingu byggðar þarf að framkvæma þannig að sem minnst röskun verði á lífsgæðum fólks, í sem mestri sátt við nærumhverfið og með áherslu á sjálfbærni og vistvænt skipulag. Huga þarf að gæðum byggðar og bygginga og gæta að því að þrengja ekki að nauðsynlegum samgönguæðum. Þar sem þétting byggðar er talin ákjósanleg fari fram mat á þölmörkum innviða og á þróunarsvæðum verði dregið úr neikvæðum áhrifum með markvissum mótvægisáðgerðum. Við skipulag borgarinnar þarf að huga sérstaklega að þörfum ungs fólks og aldraðra. Auka þarf framboð á sérþýli og fjölbreyttu búsetuformi.

Endurskoða þarf reglur og einfalda málsmeðferð skipulags- og byggingaryfirfaldna til að draga úr óþarfa töfum, flækjustigi og byggingarkostnaði. Taka þarf upp raunverulegt samráð við íbúa og hagsmunaaðila í skipulagsmálum.

Sjálfstæðisflokkurinn fagnar áformum um stóraukin framlög til samgönguframkvæmda á höfuðborgarsvæðinu með tilkomu samgöngusáttmálans, en sáttmálinn þarfnast endurskoðunar við. Sjálfstæðisflokkurinn er fylgjandi verulega bættum almenningsamgöngum, en leggur

áherslu á að borgarlína þrenni ekki að notkun annarra bifreiða. Vert er að skoða hugmyndir um einfaldari og ódýrari borgarlínu. Hugmyndum um viðbótargjaldtöku á vegfarendur er hafnað. Sjálfstæðisflokkurinn í Reykjavík vill efna til tólf mánaða tilraunaverkefnis um gjaldfrjálsan Strætó og bæta leiðarkerfi og þjónustu samhliða.

Ráðast þarf í flýtiframkvæmdir í samgöngum, eins og á lagningu Sundabrautar. Ráðast þarf í átak til að auka öryggi gatnamóta og bæta umferðarflæði þeirra. Stefnt skal að því að gera stærstu, hættulegustu og umferðabyngstu gatnamót stofnæða mismislag að fullu eða tryggja með öðrum hætti nánast óhindrað flæði bifreiðaumferðar, en nær allir hættulegustu slysastaðir landsins eru á ljósastýrðum gatnamótum í Reykjavík. Núverandi hugmyndir um umtalsverða stokkauppbyggingu við Miklubraut og byggingaframkvæmdir nálægt götum ofanjarðar eru óviðunandi og krefjast endurskoðunar.

Ráðast þarf í átak til að bæta öryggi gangandi og hjólandi vegfarenda. Mikilvægt er að halda áfram uppbyggingu sjálfstæðs stofnstígakerfis fyrir hjólreiðafólk. Efla þarf vetrarþjónustu í borginni, með áherslu á efri byggðir. Reykjavíkurlugvöllur verður í Vatnsmýrinni þar til nýr staður finnst sem uppfyllir jafn vel eða betur þarfir Reykvíkinga og landsmanna allra sem og öryggiskröfur. Fallið verði frá áformum um þetta íbúðauppbyggingu á flugvallarsvæðinu.

Skóla- og frístundamál

Sjálfstæðisflokkurinn leggur áherslu á gott samstarf og aukið samráð við skóla- og frístundastjórnendur. Stjórnendur fái svigrúm til að stýra sínum starfseiningum með ólíkum áherslum. Draga þarf úr miðstýringu skóla- og frístundasviðs og veita starfseiningum svigrúm til að rækta eigin sérstöðu. Færa mætti þjónustuna úr Borgartúni og nær íbúunum líkt og reynst hefur vel með stofnun og uppbyggingu þjónustumiðstöðva í hverfum borgarinnar.

Starfseiningum verði veitt svigrúm til að umbuna sérstaklega fyrir vel unnin störf. Þannig myndast hvati til umbóta starfs- og skólaþróunar. Auka þarf svigrúm og möguleika starfsfólks til símenntunar í takt við síbreytilegt skólustarf.

Sjálfstæðisflokkurinn leggur mikla áherslu á einstaklingsfrelsi og að hver einstaklingur fái að njóta sín. Vinnuaðstaða nemenda og starfsfólks verði í fremstu röð.

Sjálfstæðisflokkurinn leggur áherslu á að styðja skuli betur við einkarekna leikskóla og grunnskóla, enda eru þeir oft á tíðum reknir með hagkvæmari hætti og með öflugum og eftirsóknarverðum fagstarfi.

Ljóst er að fjölga þarf leikskólakennurum. Þörf er á því að fylgja eftir úttektum sem gerðar hafa verið til þess að Reykjavíkurborg geti leyst vandann. Dagvistunarræði barna verði tryggð frá 12 mánaða aldri. Stuðlað verði að fjölbreytni í úrræðum og valkostum verði fjölgað, m.a. með greiðslum til þriðja aðila. Jafnræðis skal gætt milli úrræða þannig að fé fylgi barni í vistun til þess að hægt sé að koma til móts við misjafnar þarfir barna og foreldra.

Sjálfstæðisflokkurinn telur að huga þurfi vel að uppbyggingu náms í grunnskóla og færa það í nútímalegra horf. Tímabært er að endurskoða stefnu grunnskólans, einkum út frá hugmyndum um skóla án aðgreiningar og jafnrétti til náms.

Sjálfstæðisflokkurinn vill að stutt verði sérstaklega við nemendur með íslensku sem annað mál.

Lesskilningur ungra drengja hefur farið versnandi samkvæmt niðurstöðum rannsókna undanfarin ár og þarf skólastarfið að taka mið af því. Nemendur í grunnskólum hafa kallað eftir því að geðrækt verði innleidd í lífsleiknikennslu á grunnskólastigi og Reykjavíkurborg þarf að bregðast við því.

Sjálfstæðisflokkurinn leggur áherslu á að Reykjavíkurborg bjóði upp á faglegt frístundastarf þegar skóladegi barna lýkur. Tryggja þarf að frístundastarf skili tilætluðum árangri og mæti faglegum kröfum. Sjálfstæðisflokkurinn vill að frístundastarf sé metið til jafns við starf leik- og grunnskóla borgarinnar.

Velferðarmál

Sjálfstæðisflokkurinn telur að húsnæðismál séu velferðarmál og bregðast skuli strax við ástandinu í húsnæðismálum með fjölbreyttum valkostum.

Leggja þarf aukna áherslu á fræðslu og forvarnir um geðheilbrigðismál. Fjölga þarf úrræðum fyrir einstaklinga með fjölpættan vanda.

Áhersla skal lögð á heilsueflandi þætti í formi leikja strax í leikskóla og fylgja eftir með skimun og inngrípum ef grunur leikur á geðrænum eða félagslegum vanda. Í kjölfar sóttvarnaraðgerða undanfarinna ára þarf að ráðast í átak í geðheilbrigðis- og félagsmálum auk þess að efla þjónustu til frambúðar.

Bæta þarf samstarf grunnskóla, heilbrigðisstofnana og annarra velferðarstofnana. Mæta þarf knýjandi þörf um greiningu barna og ungmenna.

Fólk með fötlun er fjölbreyttur hópur með fjölbreyttar þarfir sem þjónusta þarf á einstaklingsgrundvelli. Tryggja þarf að fólk með fötlun geti sótt sér nám og stundað vinnu og aðrar tómstundir. Einstaklingar eiga að hafa val um að stýra þjónustu sinni sjálfir á grundvelli notendastýrðrar persónulegrar aðstoðar (NPA) til þess að gera sem flestum kleift að lifa sjálfstæðu lífi.

Sjálfstæðisflokkurinn vill hjálpa fólki til sjálfshjálpar, m.a. með því að gera leigjendum í félagslega kerfinu kleift að eignast húsnæðið sem þeir leigja.

Öldrun þjóðarinnar útheimtir grundvallarendurskoðun á málefnum eldri borgara. Leggja skal áherslu á að bæta lífsgæði, mæta þörf á þjónustu, bæta aðgengi og samgöngur og útrýma einangrun og einmanaleika með fjölbreyttum búsetuúrræðum og auknum tækifærum til virkni og tómstunda. Boðið verði upp á búsetuúrræði við hæfi til að eldri borgarar geti búið sem lengst í eigin húsnæði og ný heimili verði sniðin að þörfum aldraðra. Framboð lóða í Reykjavík þarf að taka mið af lýðheilsulegum sjónarmiðum sem auka lífsgæði og velferð aldraðra. Fjölgun hjúkrunarheimila og fjölbreytt búsetuúrræði vinna á fráflæðisvanda Landspítalans. Áhersla skal lögð á að mæta hverjum einstaklingi á hans forsendum með samþættingu heimahjúkrunar og heimaþjónustu til að gefa fólki tækifæri til að halda virðingu sinni og vera heima þrátt fyrir skerta

færni. Reykjavíkurborg setji fordæmi fyrir úrræðum til sveigjanlegri starfsloka fyrir eldri borgara án þess að hafa áhrif á lífeyrisréttindi þeirra.

Fjármál og nýsköpun

Sjálfstæðisflokkurinn telur stöðu fjármála í borginni slíka að ekki sé hægt að lækka útsvar í byrjun kjörtímabilsins en stefnir að því að lækka útsvar á kjörtímabilinu.

Sjálfstæðisflokkurinn ætlar að tryggja að fasteignagjöld atvinnuhúsnæðis lækki á kjörtímabilinu. Fasteignagjöld eru nánast í lögbundnu hámarki og hafa nær ekkert lækkað. Reykjavíkurborg verður að bjóða upp á samkeppnishæft rekstrarumhverfi. Önnur sveitarfélög á höfuðborgarsvæðinu hafa lækkað hlutfallið til að mæta hækkun fasteignamats.

Stefnt skuli að því að skatttekjur standi undir lögbundinni þjónustu borgarinnar. Ótækt er að afkoma borgarinnar velti á arðgreiðslum dótturfélaga.

Skuldir borgarinnar hafa vaxið jafnt og þétt á undanförunum árum. Skuldir Reykjavíkurborgar hafa tvöfaldast að raunvirði frá árslokum 2014. Sjálfstæðisflokkurinn áttar sig á alvarleika málsins og nauðsyn þess að skuldasöfnun verði stöðvuð með auknu aðhaldi í rekstri borgarinnar og sölu fyrirtækja á samkeppnismarkaði.

Sjálfstæðisflokkurinn telur að Reykjavíkurborg skuli beita sér gegn flótta háskólamenntaðra sérfræðinga af almennum vinnumarkaði og yfir til borgarinnar, m.a. með því að útvista verkefnum og kaupa oftár þjónustu af einkaaðilum. Það er til þess fallið að tryggja bæði hagræði og samkeppni.

Mikil sóknarfæri eru til nýsköpunar í Reykjavík. Mikilvægt er að stjórnvísla borgarinnar standi ekki í vegi fyrir nýsköpun og að ný fyrirtæki og hugmyndir fái rými til að vaxa og dafna. Sérstöku markaðstorgi fyrir nýsköpun verði komið á fót þar sem aðilar í nýsköpun geti kynnt vörur og þjónustu og hvernig þær geta gagnast við hagræðingu í borgarkerfinu.

Menningar- íþróttar og tómstundamál

Sjálfstæðisflokkurinn leggur til að vægi menningar og ferðapjónustu verði aukið með því að breyta uppsetningu menningar- og ferðamála innan stjórnkerfis borgarinnar þannig að menningar- íþróttar og tómstundaráði verði formlega skipt í tvö ráð:

- *Menningar- og ferðamálaráð*
- *Íþróttar og tómstundaráð*

Þá verði framtíðarstefna til tíu ára mótuð í málaflokknum með þau markmið að leiðarljósi að almenningi skuli tryggt auðvelt aðgengi að menningu, íþróttum og tómstundum auk ferðamannastaða og að uppbygging fyrir börn og ungmenni verði sett í forgang þegar kemur að úthlutun fjármuna í íþróttastarf. Samstarf verði aukið við ráðuneyti menningar og nýsköpunar og sömuleiðis samvinna við önnur sveitarfélög um frekari uppbyggingu á menningartengdri ferðapjónustu. Stefnt verði að stofnun Áfangastaða- og markaðsstofu höfuðborgarsvæðisins með

samstarfi sveitarfélaganna, atvinnulífsins og annarra hagaðila til þess að styðja við þróun svæðisins í átt að sjálfbærri framtíðarsýn og aukinni samkeppnishæfni.

Áhersla verði lögð á óháða, gagnsæja og faglega ákvarðanatöku styrkveitinga úr sjóðum borgarinnar í samráði við fagaðila og verkefnasjóðir á sviði lista og menningar verði eflir. Stuðningur við einstaklinga og smærri fyrirtæki með samstarfssamningum njóti forgangs og lögð verði áhersla á ábyrga ráðstöfun opinbers fjármagns sem feli í sér eftirfylgni og innri endurskoðun óháðra aðila. Mikilvægi varðveislu og kynningar menningararfs verði undirstrikað og vörður staðinn um rekstur menningar- og listastofnana. Sjálfstæðisflokkurinn telur að listamenn séu auðlind sem þurfi að hlúa að og efla.